

- di ubelen ich zesprenge, ellev genade si in enge'.
1025. Er ne segenote si niht mere, er ne mochte uon sere
daz si mit untriwen rachen ir riwe,
daz Dina ir svester selbe hete irworfen laster,
unde si daz puzten anders denne si scolten.
'Juda min kint, wole irgent dir dinez dinc:
1030. du wirdest diner crefte trost aller [diner] chunnescefte, Bl. 85^a.
dine brudere dich lobent so si din reht uirstent,
du gewinnest uiande di geniechett din mahtige hant,
du irwirfest so groz ere daz dich al din chunne heizet hêrre,
uil mariv lant choment in dine hant;
1035. so du div gewinnest, deme lewen du gelich gebarest
der under tiren nimet al des in gezimet,
den ellev tir furhtent so er under siv chumet;
du slehest unde rovbest [unze du alle] dine uiande getovbest.
Also den lewen iöh di lewinnen niman getar gewechen
1040. so er sich geleget ruwen mit offenen ovgen:
sam ne geturren uiande din niht dich gegrûzen.
So du bist fridelichen in *al* dinen richen,
so du list slauent, din ovgen wahchent:
si uibernt dich gare, du bist ir aller are.
1045. Vone Juda newirt [niemer] genomen daz kuninliche sceptrum,
noh son sinen huffen ne gebristet chunere herzogen,
unze der geborn wirt der alle di werlt genert, [tet.
des chunfte alle di beitent di uber [alle] di werlt sint gebrei-

1025. W. ohne niht . . . fore sere.
1026. W. rachin ire riuwen.
1027. dina din svester . . . W. ire
suester biworuen.
1030. wirdest diner crefte *ebenso*
W.; mit dîner K.
1031. W. reht intstent.
1032. W. manigen uiant.
1033. W. so michel ère.
1039. W. leun . . . iemen getar.
1040. W. sos er liget rûwen.
1041. W. same giturrin uiante din
fuweht dich gerûzin.
1043. list slauest. W. ne wachent.
1045. kunninliche. W. chunich-
liche sceptrum.
1047. W. wirt geborn . . . nêrin.
1048. W. beitent . . . ohne alle.